

Dehora, qu'ei hred a pelar,
Lo flipèr que's va entecar,
Si entras torna barrar la porta,
A la muralha lo drapèu,
La bua qu'ei sus lo carrèu,
La gota que vou baishar,
Mès non pot permor i a
escribut "Mort aus cons" ...
Oh, oh, oh!
I a Denisa qui enten ço qui vou.

Aci lo hum e lo saunei
Se'n van tot dret de cap tau cèu,
Mès lo cèu n'a pas sonque tres metras,
Lo Gilbert que va arribar,
Peu centau cop que'ns va condar
Que s'a mancat partir tà
L'America, mès n'a
pas podut permor que...
Oh, oh, oh!
I a Denisa qui enten ço qui vou.

Que pods si as un cop de tristèr,
Viéner plorar sus lo taulèr,
Que t'i va passar un cop d'espontja.
La toa hemna i a dus ans
Dejà que s'a fotut lo camp,
Si avès sabut n'aures pas
dit tot ço qui as dit,
Mès totun qu'at as dit...
Oh, oh, oh!
I a Denisa qui enten ço qui vou.

L'ua ora que va lèu sonar,
La flicalha que va passar,
Que vam vueitar viste la darrèra,
Se'n torneram doman matin,
Pas trop de dora, cau dromir,
Era que va escobar
Totas las ombras qui
van encuèra parlar...
Oh, oh, oh!
I a Denisa qui enten ço qui vou.

Dehors, c'est du froid à peler,
Le flipper va s'enrhumer,
Si tu entres, referme la porte.
Au mur le drapeau,
Y a de la buée sur le carreau,
La goutte veut descendre,
Mais elle ne peut pas parce qu'il y a
écrit "Mort aux cons" ...
Oh, oh, oh!
Y a Denise qui entend ce qu'elle veut

Ici la fumée et le rêve
S'en vont tout droit au ciel,
Mais le ciel n'a que trois mètres.
Gilbert va arriver,
Pour la centième fois il va nous raconter
Qu'il a failli partir pour
L'Amérique, mais qu'il n'a
pas pu, parce que...
Oh, oh, oh!
Y a Denise qui entend ce qu'elle veut.

Tu peux, si tu as un coup de tristesse,
Venir pleurer sur le comptoir,
Elle va t'y passer un coup d'éponge.
Ta femme, ça fait deux ans
déjà qu'elle a foutu le camp,
Si t'avais su, tu lui aurais pas
dit tout ce que tu lui as dit,
Mais tu lui as dit quand même...
Oh, oh, oh!
Y a Denise qui entend ce qu'elle veut.

Une heure va bientôt sonner,
La flicaille va passer,
On va vider la dernière,
On reviendra demain matin,
Pas trop de bonne heure, il faut dormir,
Elle, elle va balayer
Toutes les ombres qui
vont encore parler...
Oh, oh, oh!
Y a Denise qui entend ce qu'elle veut.